

Intro...**(x2)****Capo 2 (Em)**

O quantu vuleria scrive chì a mio storia hè di pace

Chì l'albori ch'aghju vistu si sò pisati sereni

Ma à empie a mio mente sò centu mila e strage

È di fiure sanguinose i mio ricordi sò pieni

Aghju vistu tantu volte u mio mondu piccià focu

Per una croce, un spechju o per un palmu di terra

Per una fede, un'idea, per u pusessu d'un locu

L'omi move e battaglie, l'omi dà si à a guerra

Ripigliu...

Eiu sò l'isula sola, locu di tanti secreti, un'isulella di fola

Musa di tanti pueti, sò un'isula sulella, mi chjamanu... a più bella

Aghju vistu à l'orisonte ghjunghje tanti battilloni

È i sullati à millaie calpighjà e mio marine

Aghju in core e vinice di 'ssi tempi bughjiconi

È piengu à fiumi pieni e mio pene senza fine

Da sempre sò stata eiu l'ogetto di ogni inviglia

Quella chì omu vulia, cumprà vende o cunquistà

Quella stella ch'in lu celu di più cà l'altre spampiglia

E ch'ognunu vuleria di e so mani tuccà

Ripigliu...

Ma vogliu sperà è crede in un dumane sfarente

Sunnià di l'ore à vene cum'è di tant'alegrie

Vede e so albe chjare è di pace splendurente

Pisà si à l'infinita cum'è in le puesie

È vogliu dì à i mei, à i mio figlioli cari

In un cantu di sperenza, in un'ardente prighera

Di francà mi à l'oramai di tanti ricordi amari

È di tene caru à mè di più cà a mio bandera

Ripigliu...